

Հ Ա Շ Վ Ե Տ Վ ՈՒ Թ Յ ՈՒ Ն

Իմփաքթ Հաբ Արմենիա սոցիալական նորարարության զարգացման հիմնադրամի
2015թ. գործունեության մասին

- 1.1. Հիմնադրամի լրիվ անվանումը՝ Իմփաքթ Հաբ Արմենիա սոցիալական նորարարության զարգացման հիմնադրամ
- 1.2. Գրանցման համարը՝ 222.160.840248
- 1.3. Գրանցման ամսաթիվը՝ 23 դեկտեմբերի 2014թ.
- 1.4. Գտնվելու վայրը՝ ք.Երևան, Մ.Ադամյան փ., 2/2,
- 1.5. Հեռ.՝ +374 77 34-68-42
- 1.6. Բջջ.՝ +374 77 34-68-42
- 1.7. Կայք՝ yerevan.impacthub.net
- 1.8. Էլ. փոստ՝ yerevan@impacthub.net
2. Հիմնադրամի գործադիր մարմնի ղեկավարը՝
Սառա Անջարգոլյան, հիմնադրամի միջոցներից օգտվելու ձևը աշխատավարձն է (834,586 ՀՀ դրամ, որը իրենից ներկայացնում է համախառն աշխատավարձը):
3. 2015 թվականին հիմնադրամի հոգաբարձուների խորհրդի անդամներն են եղել՝ Վահե Քեուշգուրեյան, Բաֆֆի Քասարջյան, Աուդրեյ Նաթալիե Սելյան Մատյան, Նարինե Միրզաեյան: Վերջիններս հիմնադրամի միջոցներից չեն օգտվել:
4. Աշխատակազմ՝ Սառա Անջարգոլյան:
Հիմնադրամի միջոցներից օգտվելու ձևը աշխատավարձն է- 834,586 ՀՀ դրամ, որը իրենից ներկայացնում է համախառն աշխատավարձը:
5. Իրականացված ծրագրերը՝ «Գաղափարներ» դասախոսությունների շարք (5,299,351 դրամ)
6. Ֆինանսավորման աղբյուրը՝
Գերմանիայի միջազգային համագործակցության ընկերություն («Գաղափարներ» դասախոսությունների շարք) – 5,299,351 դրամ,
«Հայաստանի Զարգացման Նախաձեռնություններ» բարեգործական հիմնադրամ - (կանոնադրական նպատակներ) – 33,553,200 դրամ,
Իզմիրյան հիմնադրամ (կանոնադրական նպատակներ) - 21,789,900 դրամ:
«Ֆրութֆուլ Արմենիա» հիմնադրամ (կանոնադրական նպատակներ) - 2,412,750 դրամ:
7. Ֆինանսական տարում օգտագործված միջոցների ընդհանուր չափը՝ 12,208,252 դրամ:

7.1. Կանոնադրական նպատակների իրականացմանն ուղղված ծախսերի չափը՝ 5,299,351 դրամ:

8. Ֆինանսական հաշվետվությունների վերաբերյալ աուդիտն իրականացնող անձի (աուդիտորի) անուն ազգանունը՝ «Է Էն Աուդիտ» ՓԲԸ:

9. Կից ներկայացվում է աուդիտորական եզրակացությունը (2) թերթից:

10. Իմփաքթ Հաբ Արմենիա սոցիալական նորարարության զարգացման հիմնադրամի տնօրեն

10.1. Սառա Անջալիզյան



11. Գլխավոր հաշվապահ

11.1. Պարադիզմա Արմենիա ՓԲԸ
Գլխավոր տնօրեն Ահարոն Զիլինգարյան



Սույն հաշվետվությունը հաստատվել է հիմնադրամի հոգաբարձուների խորհրդի կողմից՝ 20.03.2016թ.-ին:



Անկախ աուդիտորական եզրակացություն

«Իմփաքթ Հաբ Արմենիա» սոցիալական նորարարության զարգացման հիմնադրամի հոգաբարձուների խորհրդին

Մենք աուդիտի ենք ենթարկել «Իմփաքթ Հաբ Արմենիա» սոցիալական նորարարության զարգացման հիմնադրամի (այսուհետ՝ Հիմնադրամ) 2015թ. դեկտեմբերի 31-ին ավարտվող տարվա կից ներկայացվող ֆինանսական հաշվետվությունները, որոնք ներառում են՝ առ 31 դեկտեմբերի 2015թ. ֆինանսական վիճակի մասին հաշվետվությունը, այդ ամսաթվին ավարտվող տարվա համապարփակ ֆինանսական արդյունքների մասին հաշվետվությունը, սեփական կապիտալում փոփոխությունների մասին հաշվետվությունը, դրամական միջոցների հոսքերի մասին հաշվետվությունը, ինչպես նաև ծանոթագրությունները, որոնք ներառում են հաշվապահական հաշվառման քաղաքականության հիմնական դրույթները և այլ բացատրական տեղեկատվություն:

Ղեկավարության պատասխանատվությունը ֆինանսական հաշվետվությունների համար

Հիմնադրամի ղեկավարությունը պատասխանատու է սույն ֆինանսական հաշվետվությունների պատրաստման և ճշմարիտ ներկայացման համար՝ ֆինանսական հաշվետվությունների միջազգային ստանդարտներին համապատասխան: Այդ պատասխանատվությունը ներառում է այնպիսի ներքին վերահսկողության համակարգի մշակում, ներդրում և կիրառում, որը ղեկավարությունն անհրաժեշտ կհամարի էական խեղաթյուրումներից (թե՛ սխալի, թե՛ խարդախության արդյունքում առաջացող) զերծ ֆինանսական հաշվետվությունների պատրաստման և ճշմարիտ ներկայացման համար, ինչպես նաև տեղին հաշվապահական հաշվառման քաղաքականության ընտրություն և կիրառում, ողջամիտ հաշվապահական գնահատականների կատարում:

Աուդիտորի պատասխանատվությունը

Մեր պատասխանատվությունն է անցկացված աուդիտի հիման վրա արտահայտել կարծիք աուդիտորական եզրակացությանը կից ֆինանսական հաշվետվությունների վերաբերյալ: Մենք աուդիտն անցկացրել ենք աուդիտի միջազգային ստանդարտներին համապատասխան: Այդ ստանդարտներով պահանջվում է, որ մենք հետևենք աուդիտորի վարքագծի կանոններին և աուդիտը պլանավորենք և իրականացնենք այնպես, որ ձեռք բերենք ողջամիտ հավաստիացում այն մասին, թե արդյոք ֆինանսական հաշվետվությունները զերծ են էական խեղաթյուրումներից:

Աուդիտը ներառում է այնպիսի ընթացակարգերի իրականացում, որոնք թույլ են տալիս ձեռք բերել աուդիտորական ապացույցներ ֆինանսական հաշվետվություններում ներկայացված գումարների և բացահայտումների վերաբերյալ: Կիրառված ընթացակարգերի ընտրությունը կախված է աուդիտորի դատողությունից և ներառում է նաև ֆինանսական հաշվետվություններում այնպիսի էական խեղաթյուրումների ռիսկի գնահատումը, որոնք կարող են պայմանավորված լինել թե՛ խարդախությամբ, և թե՛ սխալներով: Այդ ռիսկերի գնահատումներն իրականացնելիս աուդիտորը հաշվի է առնում ներքին վերահսկողության համակարգը՝ որքանով այն տեղին է ֆինանսական հաշվետվությունների պատրաստման և ճշմարիտ ներկայացման համար, որպեսզի նախատեսի աուդիտորական այնպիսի ընթացակարգեր, որոնք տեղին են տվյալ հանգամանքներում, բայց ոչ թե Հիմնադրամի ներքին վերահսկողության համակարգի վերաբերյալ կարծիք արտահայտելու նպատակով: Աուդիտը նաև ներառում է կիրառված հաշվապահական հաշվառման քաղաքականության տեղին լինելու և ղեկավարության կողմից կատարված հաշվապահական գնահատումների հիմնավորության գնահատում, ինչպես նաև ֆինանսական հաշվետվությունների ընդհանուր ներկայացման գնահատում:

Մենք գտնում ենք, որ մեր ձեռք բերած աուդիտորական ապացույցները բավարար և համապատասխան հիմք են հանդիսանում մեր կարծիքի համար:

Կարծիք

Մեր կարծիքով ֆինանսական հաշվետվությունները, բոլոր էական առումներով, ճշմարիտ են ներկայացնում «Իմփաքթ Հաբ Արմենիա» սոցիալական նորարարության զարգացման հիմնադրամի առ 31 դեկտեմբերի 2015թ. ֆինանսական վիճակը և այդ ամսաթվին ավարտվող տարվա գործունեության արդյունքներն ու դրամական միջոցների հոսքերը՝ ֆինանսական հաշվետվությունների միջազգային ստանդարտներին համապատասխան:

Արթուր Հարությունյան

Տնօրեն

«Էյ-Էն Աուդիտ» ՓԲԸ

Երևան

24 մարտի 2016թ.



Անուշ Գրիգորյան

Աուդիտի մենեջեր